

INTERVJU Perica Stanić, direktor Državne ISTRAGA ĆE POKA OMERAGIĆ VRBOV

● Od početka su postojale indicije koje su ukazivale da u konkretnom slučaju postoje elementi krivičnog djela terorizma ● Nisam stekao utisak da je bilo šta od predmeta stavljeno na čekanje

Razgovarala: **Jelena MILANOVIĆ**

● Po stupanju na dužnost direktora SIPA, kazali ste kako su najveći izazovi kojima ćete se baviti terorizam i organizovani kriminal. Ako ministar sigurnosti kaže da se pravni poredak u državi mora uspostaviti makar i silom, znači li to da slijede ne samo hapšenja već i razbijanja radikalnih vehabijskih zajednica za koje se tvrdi da postoje u BiH?

- Kao što sam govorio i ranije, borba protiv terorizma jedan je od glavnih prioriteta rada Državne agencije za istrage i zaštitu. SIPA svoje aktivnosti, između ostalog, usmjerava na prikupljanje podataka i informacija o aktivnostima određenih pojedinaca i skupina u Bosni i Hercegovini i okruženju koji iskazuju ekstremne stavove i na različite načine ispoljavaju određene oblike ponašanja i reagovanja koji su interesantni sa aspekta sigurnosti, a koja u suštini stvaraju pogodan ambijent za jačanje različitih oblika ekstremizma i radikalizma, pa i onih koji mogu voditi ka terorizmu.

Može bolje

Navedene aktivnosti SIPA provodi radi blagovremenog prepoznavanja same pojave i zavođenja kriminalističko-obavještajnih istra-

živanja, razmjene obavještajnih saznanja sa drugim policijskim agencijama, te provođenja istražnih aktivnosti i dokumentovanja krivičnih djela iz oblasti terorizma.

Kao agencija, u principu, ne komentarišemo izjave ministara, pa tako ni ministra Mektića.

● Nakon terorističkog napada i ubistva dvojice pripadnika OSBiH, ponovo je istaknut problem nekoordinacije među policijskim agencijama u BiH. Zbog čega se uopšte i kod koga javila dilema da li je ubistvo vojnika napad na državu?

- Za kvalifikaciju krivičnog djela nadležno je tužilaštvo, tako da ne bi bilo primjereno da iznosim bilo kakve komentare u vezi s tim. Posmatrano sa policijskog aspekta, smatram da su od početka postojale indicije koje su ukazivale da u konkretnom slučaju postoje elementi krivičnog djela terorizma. Zbog toga je istražni tim policijskih službenika SIPA odmah upućen na lice mjesta, gdje je ostao do konačne odluke tužioca da se radi o krivičnom djelu terorizma, i preuzeo rad na slučaju.

● Da li je do sada utvrđeno je li Enes Omeragić vrbovan iz Pariza, budući da je rođen u tom gradu?

- Ne raspolažemo saznanjima da je vrbovan iz Francuske, među-

tim, još su u toku istražne aktivnosti s ciljem rasvjetljavanja cijelog događaja i utvrđivanja svih činjenica. Istraga će pokazati da li je imao eventualne pomagače, podstrekače i slično, pa i da li je vrbovan iz inostranstva.

● Da li je pažnja sigurnosnih agencija, nakon dešavanja u Rajlovcu i Zavidovićima, pa i pred kasarnom u Butilima, dodatno usmjerena ka 50 osoba za koje ste naveli da su pod prisilom, a povratnici su sa stranih ratišta, njihovoj rodbini i prijateljima.

- U okviru zakonom propisanih nadležnosti, te u saradnji sa drugim bezbjednosnim agencijama u BiH i iz okruženja, SIPA kontinuirano prikuplja i razmjenjuje informacije i saznanja koja se na bilo koji način mogu dovesti u vezu sa terorističkim aktivnostima, bilo da se radi o odlascima na strana ratišta, finansiranju terorizma, vrbovanju, podsticanju na terorizam ili drugim aktivnostima u vezi sa terorizmom, te u saradnji sa Tužilaštvom BiH preduzima potrebne mjere i radnje. Osobe koje su učestvovala u oružanim sukobima u Siriji i borile se na strani ISIL-a nakon povratka u matične države, sigurno predstavljaju potencijalnu bezbjednosnu prijetnju. S tim u vezi, proteklih dana pojačane su aktivnosti u ovoj oblasti.

SIPA se neće libiti da istraži bilo koju kriminalnu grupu

agencije za istrage i zaštitu

ZATI DA LI JE AN IZ PARIZA

• **U posjeti Vam je bio glavni tužilac BiH sa saradnicima, najavljeni su bolji rezultati za 2016. godinu. Čemu se nadate?**

- U proteklom periodu SIPA je pod nadzorom Tužilaštva BiH realizovala veliki broj operativnih akcija i postigla značajne rezultate provodeći mjere i radnje iz svoje nadležnosti. Ova agencija ima ljudske i materijalno-tehničke kapacitete koji mogu odgovoriti najsloženijim bezbjednosnim izazovima. Međutim, uvijek može bolje. U tom smislu ću se truditi da rezultate SIPA u narednom periodu podignem na još veći nivo.

• **Neдавно ste istakli kako se nećete libiti provesti istragu protiv bilo koga bez obzira na to čime se bavi i bez obzira na status u društvu. Znači li to da SIPA neće odustati od predmeta okarakterizovanih kao međunarodni kriminal, kakvi su oni o Boski, Bobar banci, Birču?**

- Upravo tako sam rekao i stojim iza toga. Velika mi je čast što sam izabran za direktora i svoju dužnost ću obavljati profesionalno i časno. SIPA se neće libiti da istraži bilo koju kriminalnu grupu ili pojedinca bez obzira na društveni status ili funkciju koju obavlja.

Kraće procedure

U skladu sa svojim nadležnostima, SIPA pod nadzorom Tužilaštva BiH provodi najsloženije istrage u predmetima iz oblasti organizovanog kriminala i nema dile-


me da će svi slučajevi biti do kraja istraženi. Međutim, ne mogu komentarisati pojedinačne aktuelne predmete.

• **Da li ste po dolasku u SIPA zatekli predmete koji su stavljeni na čekanje? Ako jeste, na šta se oni odnose i da li će istrage biti pokrenute?**

- Još sam u fazi upoznavanja sa predmetima na kojima SIPA radi. Do sada nisam stekao utisak da je bilo šta stavljeno na čekanje.

• **Ministar Mektić najavio je donošenje zakona o borbi protiv terorizma kojim će biti data fleksibilnija ovlaštenja policiji, obavještajnim strukturama i tužilaštvu. Šta bi, po Vama, te odredbe trebale podrazumijevati?**

- Na posljednjem sastanku Udarne grupe za borbu protiv terorizma razgovarali smo, između ostalog, o potrebi inkriminisanja određenih radnji koje to nisu važećim zakonodavstvom, a sa aspekta suzbijanja terorizma trenutno su veoma značajne, ali i o smanjenju određenih procedura u procesnom smislu kako bi se olakšao rad policije i pravosudnih organa, te povećala njihova efikasnost. Takođe je razgovarano o formiranju operativne grupe za borbu protiv terorizma čije sjedište će biti u Tužilaštvu BiH, kako bi se osigurala blagovremena razmjena informacija na svim nivoima u BiH i blagovremeno djelovanje, s posebnim akcentom na prevenciju.



ISILOVCI
Osobe koje su učestvovalе u oružanim sukobima u Siriji i borile se na strani ISIL-a nakon povratka u matične države, sigurno predstavljaju potencijalnu bezbjednosnu prijetnju. S tim u vezi, proteklih dana pojačane su aktivnosti

pu ili pojedinca bez obzira na društveni status ili funkciju koju obavlja